

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U KAKNJU
Broj: 36 0 Su 068359 24 Fin 8
Kakanj, 17.05.2024.godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine” broj 39/14 i 59/22) te preporuke Komisije za provođenje postupka javne nabavke iz Zapisnika o ponovnom pregledu i ocjeni ponuda broj: 36 0 Su 068359 24 Fin 8 od 14.05.2024.godine, u postupku javne nabavke roba - nabavka kompjuterske opreme, predsjednik suda donosi,

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke roba i Ugovor za javnu nabavku kompjuterske opreme dodjeljuje se ponuđaču „IMTEC“ d.o.o. Sarajevo, adresa: ul. Stari Ilijaš 201, 71380 Ilijaš, ponuda broj 1504/24-2 od 15.04.2024. godine za ponuđenu cijenu 91.000,00 KM bez PDV-a (devedesetijednihiljada KM), kao najpovoljnijem i jedinom kvalifikovanom ponuđaču.

Član 2.

Izabrani ponuđač je dužan u roku od 7 (sedam) dana od dana zaprimanja ove odluke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici Općinskog suda u Kakanju, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Član 5.

Po pravosnažnosti ove odluke i u skladu sa članom 72. stav (1) Zakona o javnim nabavkama, ugovorni organ će pozvati izabranog ponuđača radi zaključenja ugovora.

Obrazloženje

Postupak javne nabavke roba za nabavku kompjuterske opreme pokrenut je Odlukom o pokretanju postupka javne nabavke, broj: 36 0 Su 068359 24 Fin 8 od 04.03.2024. godine. Postupak je proveden putem otvorenog postupka, za koje je objavljeno obavještenje o nabavci broj 5359-1-1-19-3-1/24 od 27.03.2024. godine na Portalu javnih nabavki.

Komisija za javne nabavke dostavila je dana 24.04.2024. godine predsjedniku Općinskog suda u Kakanju Zapisnik o pregledu i ocjeni ponuda broj: 36 0 Su 068359 24 Fin 8 od 18.04.2024. godine sačinjen prije održavanja e-aukcije, te Zapisnik o pregledu i ocjeni ponuda broj 36 0 Su 068359 24 Fin 8 od 23.04.2024. godine sačinjen poslije održavanja e-aukcije sa preporukom o izboru najpovoljnijeg ponuđača za predmetnu nabavku.

Komisija za javne nabavke je navela da je blagovremeno i pravilno izvršila javno otvaranje, pregled i ocjenu kvalificiranosti prispjelih ponuda u skladu sa kriterijima iz tenderske dokumentacije o čemu je sačinila odgovarajuće zapisnike, te da je ukupno zaprimljeno četiri ponude i to sljedećim redoslijedom:

Redni broj	PONUĐAČ	SJEDIŠTE
1.	DSM TRADE D.O.O.	KAKANJ
2.	INTER-COM D.O.O.	ZENICA
3.	IMTEC D.O.O.	SARAJEVO
4.	EMADO D.O.O.	SARAJEVO

Kopija Zapisnika sa otvaranja ponuda dostavljena je ponuđačima putem e-maila dana 17.04.2024. godine u skladu sa odredbom člana 63. stav (6) Zakona o javnim nabavkama Bosne i Hercegovine.

Nakon izvršenog pregleda i ocjene ponuda, o čemu je komisija sačinila Zapisnik o ocjeni ponuda, proizlazi da su kvalifikovane i prihvatljive ponude ponuđača INTER-COM d.o.o. Zenica sa ponuđenom cijenom od 90.939,00 KM bez PDV-a, IMTEC d.o.o. Sarajevo sa ponuđenom cijenom od 91.000,00 KM bez PDV-a i EMADO d.o.o. Sarajevo sa ponuđenom cijenom od 90.580,00 KM, dok je ponuda ponuđača DSM TRADE d.o.o. Kakanj ocjenjena kao neprihvatljiva iz razloga što ukupno ponuđena cijena od 107.053,20 KM bez PDV-a prelazi planirana, odnosno osigurana novčana sredstva ugovornog organa za predmetnu nabavku.

E-aukcija sa kvalifikovanim ponuđačima zakazana je u skladu sa Pravilnikom o uslovima i načinu korištenja E-aukcije ("Službeni glasnik Bosne i Hercegovine", broj 66/16) za dan 23.04.2024. godine u 11,00 sati sa predviđenim trajanjem od 10 minuta.

Po okončanju e-aukcije u skladu sa utvrđenim kriterijem „najniža cijena“ komisija je na osnovu izvještaja o toku i završetku e-aukcije konstatovala da je e-aukcija trajala od 11,00 sati do 11,10 sati i konačna rang lista ponuđača koji su učestvovali u E-aukciji je sljedeća:

Redni broj	Naziv ponuđača	Konačna cijena ponude bez PDV-a
1.	INTER-COM D.O.O. ZENICA	90.500,00 KM
2.	IMTEC D.O.O. SARAJEVO	90.570,00 KM
3.	EMADO D.O.O. SARAJEVO	90.580,00 KM

Imajući u vidu da je kriterij za dodjelu ugovora najniža cijena i da ponuda ponuđača INTER-COM d.o.o. Zenica, nakon e-aukcije iznosi 90.500,00 KM bez PDV-a, ista je ocijenjena kao najpovoljnija ponuda. Komisija za javne nabavke je dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču INTER-COM d.o.o. Zenica.

Nakon što je predsjednik suda prihvatio preporuku komisije i donio Odluku o izboru najpovoljnijeg ponuđača i dodjeli ugovora ponuđaču INTER-COM d.o.o. Zenica dana 24.04.2024. godine, ista je putem e-maila dostavljena svim ponuđačima sa zapisnikom o pregledu i ocjeni ponuda prije i poslije e-aukcije. Protiv navedene Odluke, Zapisnika o pregledu i ocjeni ponuda prije e-aukcije i Zapisnika o pregledu i ocjeni ponuda poslije e-aukcije, ponuđač „IMTEC“ d.o.o. Sarajevo je izjavio žalbu broj: 10-04-16-116-6/24 od 26.04.2024. godine, koja je kod ugovornog organa zaprimljena putem preporučene pošiljke dana 29.04.2024. godine.

Žalitelj u žalbi navodi da je, nakon što je dana 25.04.2024. godine izvršio uvid u ponude svih ponuđača, utvrdio da je ponuđač „EMADO“ d.o.o. Sarajevo dostavio ponudu sa pogrešno navedenim evidencijskim brojem nabavke: 36 0 Su 068359 24 Fon 8, navodeći da pogrešno adresirane ili imenovane ponude mogu biti smatrane neispravnim iz formalnih razloga, jer nisu u skladu sa zahtjevima konkursne dokumentacije i procedurama nabavke.

Dalje navodi da je ponuđač „EMADO“ d.o.o. Sarajevo ponudio opremu-AiO računar HP 440 G9 7F2T7AV koji svojim tehničkim karakteristikama ne zadovoljava zahtjeve koje je ugovorni organ zahtijevao kroz TD Aneksa 2 "Obrazac za cijenu ponude", gdje se traži minimalna tehnička specifikacija i funkcionalni zahtjevi, odnosno da ponuđeni AiO računar nema navedenu karakteristiku „Sigurnost: minimalno TPM verzija 2.0“.

Žalitelj u žalbi ističe i to da je ponuđač „EMADO“ d.o.o. u ponudi dostavio Obavještenje Reg.No.: 13989/INF/2024 od 09.04.2024. godine za AVTERA BH d.o.o. Blažuj Ilidža-Sarajevo BiH, te da je navedeno Obavještenje izdato za „AVTERA BH“ d.o.o. Blažuj Ilidža-Sarajevo BiH, a ne EMADO d.o.o.

Sarajevo, te da ponuđač „EMADO“ d.o.o. Sarajevo ne može koristiti pomenuto Obavještenje za potrebe svoje ponude.

Nadalje, žalitelj ističe da je ponuđač „INTER-COM“ d.o.o. Zenica ponudio skener FUJITSU FI-7700 koji ne ispunjava postavljene minimalne tehničke zahtjeve i funkcionalnosti koje je zahtijevao ugovorni organ, zbog čega traži da se izvrši ponovna evaluacija ponuda, te napravi novi zapisnik i rangiranje prihvatljivih ponuda.

Ugovorni organ je, cijeneći žalbene navode, dana 06.05.2024. godine donio Odluku o djelimičnom usvajanju žalbe kojom je poništena Odluka o izboru najpovoljnijeg ponuđača 36 0 Su 068359 24 Fin 8 od 24.04.2024. godine, poništena e-aukcija održana dana 23.04.2024. godine, te je predmet vraćen Komisiji za javne nabavke na ponovni postupak pregleda i ocjene ponuda. Odluka o djelimičnom usvajanju žalbe dostavljena je svim ponuđačima putem e-maila dana 06.05.2024. godine.

Dana 14.05.2024. godine komisija je sačinila Zapisnik o ponovnom pregledu i ocjeni ponuda iz kojeg proizlazi da ponuda ponuđača „EMADO“ d.o.o. Sarajevo ne ispunjava uslove za kvalifikaciju, iz razloga što za ponuđeni AiO računar HP 440 G9 7F2T7AV u Obrascu za cijenu ponude-Aneks 2 ponuđač nije naveo da posjeduje zahtijevanu karakteristiku „Sigurnost: minimalno TPM verzija 2.0.“, kao i da ponuđač „INTER-COM“ d.o.o. Zenica također ne ispunjava uslove za kvalifikaciju, budući da je ponudio skener FUJITSU FI-7700 koji ne podržava dodatne funkcionalnosti kako je to tenderskom dokumentacijom traženo, i to: sprečavanje probijanja boje/uklanjanje pozadine i prepoznavanje orijentacije teksta, a što proizlazi iz dostavljene brošure proizvođača FUJITSU. Ponuda jedinog preostalog ponuđača je ocijenjena kao kvalifikovana i prihvatljiva.

U skladu sa članom 4. stav 2. Pravilnika o uslovima i načinu korištenja e-aukcije („Službeni glasnik BiH“ br. 80/23), e-aukcija nije zakazana, te je komisija dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču „IMTEC“ d.o.o. Sarajevo kao jedinom kvalifikovanom ponuđaču čija ponuda ispunjava uslove iz tenderske dokumentacije, što je u skladu sa Zakonom o javnim nabavkama BiH, podzakonskim aktima i tenderskom dokumentacijom.

Pri donošenju ove odluke posebno su cijenjene činjenice da je komisija pravilno i potpuno izvršila ocjenu kvalificiranosti ponuđača, te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke.

Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dipozitivu odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 10 (deset) dana od dana prijema ove odluke.

Dostaviti:

1. INTER-COM d.o.o. Zenica., amer@inter-com.ba
2. IMTEC d.o.o. Sarajevo., prodaja@imtecb.ba
3. EMADO d.o.o. Sarajevo., kontakt@emado.ba
4. DSM TRADE d.o.o. Kakanj., elvir@dsmtrade.ba
5. web
6. a/a



Predsjednik suda

Eldar Zaimović